



Inatsisartuni ilaasortaq Aqqaluaq B. Egede, Inuit Ataqatigiit
/Maani

Helikopterit pillugit § 37 naapertorlugu apequteqaammut 2019-320-imut akissut

14-10-2019
Suliaq nr.: 2019 - 22348
Id nr. 45582461

Asasara Aqqaluaq B. Egede

Inatsisartut suleriaasianni § 37 naapertorlugu helikopterit pillugit Naalakkersuisunut apequteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1. Air Greenland-ip helikopterit pisiarisai annasiniarnermut atugassaasut nunarsuarmi helikopterinik atuisut annersaasa, soorlu uuliasiortitseqatigiiffiit atorumajunnaarnikuusaat pisiarineqarnerannut suna pissutaava?

Akissut: Air Greenland aktianik piginneqatigiiffiuvoq, aammalu nammineerluni atorussaminik toqqaasarpoq. Taamaattumik Naalakkersuisuniit apeqqut akineqarsinnaanngitsutut isumaqarfigineqarpoq

Apeqqut 2. Sooq helikopterit suliffeqarfinit helikopterinik atuilluartuusunit sillimaniarnikkut pitsaassusiat killeqarpallaarlugit helikopterit atorumajunnaarsimasaat nunatsinni annasiniarnermi atugassanngorlugit pisiariniarneqarpat?

Akissut: Apeqqut 1-imut akissut takuuk.

Apeqqut 3. Ilumoorpa helikopterit pisiarineqartut sillimaniarnikkut pitsaassusiat qulakkeerniarlugu allanit akulikinnerusumik kingoraartissaannik atuineq annertunerusartoq?

Akissut: Apeqqut 1-imut akissut takuuk.

Apeqqut 4. Helikopterit pisiarineqartut nunatsinni inuit angallannerannut pitsanngorsaanermit ilanngullugit inunnik assartueqataanissaat siunertaralugu kiffartuussinermik isumaqatigiissummi helikopterit nutaat taakku assartueqataanissaat Naalakkersuisut periarfissiissutigisinnaavaat?

Akissut: Kiffartuussinermut isumaqatigiissusiassat suliarineqarnissaat tamatumunnga apeqqutaassaaq.

Apeqqut 5. Silaannakkut inunnik angallassinermi GL 212 helikoptereralugu angallassinierneq pitsaanngitsoq aaqqinniarlugu helikopterit nutaat angallasseqataasinnaanerat pissappat aporfusinnaasut suuppat?

Akissut: Apeqqut 4-mut akissut takuuk.

Apeqqu 6. Helikopterit nutaat qulimiguuisa kaavititsisuasa sannaasa ernumanaateqartarsimanera pissutigalugu 10 tiimikkaarlugit nalilersuiffigineqartarnera ilimoorpa?

Akissut: Naalakkersuisuniit apeqqu akineqarsinnaanngitsutut isumaqarfigineqarpoq.

Apeqqu 7. Helikopterit pisiarineqartut allanit akikinnerunerat pissutigalugu pisiarineqarpat?

Akissut: Apeqqu 1-imut akissut innersuussutigineqarpoq.

Apeqqu 8. Helikopterit nunani allani pitsaanngitsutut ernumanarsinnaasutullu naliliiffigineqarsimanerat ilumoorpa?

Akissut: Timmisartuussinerni isumannaallisaaneq silaannakkut angallassinernut oqartussaasunit isumagineqartussaavoq. Tamanna Trafik-, Bygge- og Boligstyrelsen-imit isumagineqartarpoq.

Neriuppunga qulaani allaqqasuni apeqquaqaatitit akineqartut.

Inussiarnersumik inuulluaqquusillunga


Karl Frederik Danielsen